

ما يهكمشى !!

بقلم الأستاذ : عزمى محمد أبو اسماعيل

خايف لا عقلى يتـوه منى
مخ السادات حايجننى

خلاص يا ناس انا فكرى احتار
قاعد بفكر ليل ونهار

* * *

وهوه صاحى ولا ينـامشى
العصر تلقاه فى مراكشى
سير فى الطريق ما يهكمشى
عشان ما نـفرح ونغنى

بنبات فى بيتنا ونشبع نوم
الضهر صلى فى ميت الكوم
سير يا سادات ما يهكم لوم
لازم تجيب آخر المشوار

* * *

وفى الرياض صلى المغرب
عند « الحسن » ملك المغرب
فى سياسته طبعاً واستغرب
نفديه بروحنا وبالننى

راح للنميرى وصلى معاه
بعد العشا دغرى سمعناه
كل اللى كان بيـفكر تاه
قالوا السادات تـعلب مكار

* * *

فى (العيد) عبرت لتل اييب
خبر دهشها وامر عجيب
جه للسلام دكتور وطبيب
ما يهمنـاش انسى وجنى

فى (الوقفه) كنت فى سوريا هناك
كل الدول جت تستناك
الكل قال أنور دا ملاك
سير والطريق مفروش ازهار

* * *

ولا عقلى بكره يتـوه منى
مخك كـبير حايجننى

مبقتشى اقول انا فكرى احتار
عشان حقولك ليل ونهار